




UTM
UNIVERSITI TEKNOLOGI MALAYSIA

School of Human Resource Development & Psychology
FACULTY OF SOCIAL SCIENCES AND HUMANITIES

TEORI-TEORI ETIKA

DISEDIAKAN OLEH:
DR. FAIZAH MOHD FAKHRUDDIN

01

Menerangkan latar belakang kepada pengenalan teori-teori etika dan jenis-jenis teori etika klasik dan teori etika moden.

02

Menjelaskan teori etika klasik yang utama iaitu Teori Kebaikan dan Teori Teleologi.

03

Menghuraikan teori etika moden yang utama iaitu Teori Deontologi, Teori Keadilan dan Teori Hak Asasi.

04

Mengaplikasikan teori etika klasik, teori etika moden dan kegunaan teori-teori etika klasik dan moden ini ke dalam kehidupan seharian.

OBJEKTIF
PEMBELAJARAN



PENGENALAN


- Teori-teori etika berasal daripada falsafah.
- Falsafah dalam bahasa Inggeris iaitu '*philosophy*' yang berasal daripada gabungan perkataan Greek '*philia*' iaitu bermaksud 'cinta atau persahabatan' dan '*sophia*' yang bermaksud 'kebijaksanaan'.
- Dari segi bahasa, falsafah membawa maksud 'cinta dan kebijaksanaan'.
- Terdapat tiga bidang utama kajian falsafah iaitu metafizik, epistemologi dan etika.
- Etika pula berasal daripada perkataan Greek iaitu '*ethos*' yang bermaksud 'watak' dan selalu didefinisikan sebagai kajian mengenai moral manusia (Thiroux, 1991).



TEORI-TEORI ETIKA KLASIK

1. TEORI KEBAIKAN

- Aristotle (384-322SM) yang terkenal dalam zaman falsafah etika awal atau klasik telah menggunakan falsafah yang dibangunkan oleh Socrates dan Plato dalam menghasilkan pemikiran dan falsafah awal mengenai etika.
- Karya: *Nicomachean Ethics*.
- Menganggap etika dan politik sebagai saling berkaitan di mana etika adalah mengenai kebaikan individu sementara politik pula lebih kepada penumpuan hal-hal kebaikan dan kecekapan pentadbiran sesebuah negara.
- Seseorang yang memiliki watak yang baik dan cemerlang, kebiasaannya boleh melakukan sesuatu perkara yang betul, pada masa yang sesuai dan dengan cara yang dibenarkan.
- Naluri seseorang untuk berani melakukan sesuatu yang mengikut lunas peraturan adalah contoh watak yang baik dan cemerlang itu tadi.





- Kemuncak matlamat kehidupan manusia ialah mencapai kesejahteraan, kebahagiaan dan kehidupan yang semakin berkembang.
- Aristotle menegaskan bahawa kebaikan adalah sesuatu yang praktikal untuk dilakukan dan diamalkan oleh manusia dan etika pula untuk menjadikan manusia lebih baik.
- Namun etika bukan setakat dalam bentuk kefahaman seseorang tetapi yang lebih penting ialah diamalkan dalam konteks kehidupan harian.
- Sesuatu tindakan yang dianggap betul meliputi semua aspek kehidupan dan tidak terhad dalam konteks peraturan dan undang-undang sahaja.
- Untuk menjayakan prinsip asas etika ini, seseorang itu memerlukan sifat berhemah atau kebijaksanaan.
- Falsafah etika Aristotle ini berkembang kepada empat perspektif yang dikenali sebagai kebaikan moral, empat kebaikan utama, keadilan dan kemuncak kebaikan.

4 PERSPEKTIF FALSAFAH ETIKA ARISTOTLE

01 Kebaikan Moral

Kebaikan moral atau kecemerlangan perwatakan terhasil daripada sikap seseorang untuk berkelakuan secara baik sama ada kesan daripada pendidikan yang diterima atau perlakuannya secara semula jadi.

04 Kemuncak Kebaikan (Eudaimonia)

- Berjiwa hebat.
- Berlaku adil.
- Kebijaksanaan yang munasabah & praktikal.
- Menjadi sahabat yang baik.
- Manusia budiman.



02 Empat Kebaikan Utama

- i. Kebijaksanaan (kebijaksanaan praktikal).
- ii. Kawalan Kendiri (kesederhanaan).
- iii. Keberanian (sikap yang sederhana atau patuh kepada undang-undang).
- iv. Keadilan – memberikan individu apa yang sepatutnya diberikan kepada mereka & hendaklah diberikan dengan cara yang betul.

03 Keadilan

- Keadilan umum: hubungan dengan orang lain.
- Keadilan khusus: individu.

2. TEORI TELEOLOGI

- Teori Teleologi berasal daripada perkataan Greek iaitu '*telos*' yang membawa maksud tujuan atau akibat, sementara '*logos*' pula bermaksud sebab, keterangan atau penjelasan.
- Teori Teleologi ini menekankan hasil atau kesan daripada tindakan yang dilakukan oleh seseorang.
- Jika tindakan seseorang itu membawa kesan yang baik atau yang dihajati, maka tindakan itu dibenarkan dan dianggap sebagai betul dan bermoral.
- Nilai betul atau salah pula bergantung kepada penerimaan sesebuah masyarakat.
- Jika sesuatu tindakan itu diterima oleh sesebuah masyarakat maka ianya dianggap sebagai betul dan bermoral.

ALIRAN PEMIKIRAN TEORI TELEOLOGI

EGOISME

- Seseorang individu harus melakukan sesuatu tindakan yang boleh memberikan kesan maksimum kepada kebahagiaan dirinya.
- Kesan yang paling baik ialah sesuatu yang mendatangkan akibat yang dihajati dan disukai oleh individu tersebut.
- Ia mengenyahkan kepentingan kesan kepada pihak lain tetapi sebaliknya terlalu menumpukan kepada kesan terhadap dirinya sendiri.

UTILITARIANISME

- Seseorang individu itu harus melakukan sesuatu tindakan yang boleh memberikan kebahagiaan/kesan yang baik kepada bilangan orang yang paling maksimum dan tidak terhad kepada diri individu itu sendiri.
- 2 sarjana: Jeremy Bentham (1748-1832) & John Stuart Mill (1806-1873).
- Bentham membangunkan teorinya berdasarkan kepada reaksinya terhadap masalah yang wujud kesan daripada Revolusi Industri di Eropah pada abad ke 18.
- Masyarakat Eropah terbentuk secara hirarki dan diperintah serta dikuasai oleh golongan istana dan gereja.
- Perindustrian telah mewujudkan golongan kelas pertengahan yang dianggap sebagai ancaman kepada struktur masyarakat feodal sedia ada.
- Masyarakat mula mencari makna etika dan moral selain daripada definisi yang berpaksikan kepada pengertian doktrin agama.

ALIRAN PEMIKIRAN UTILITARIANISME

NILAI KEBAIKAN ITU SENDIRI	NILAI IMPAK KEBAIKAN	UTILITARIANISME TINDAKAN	UTILITARIANISME PERATURAN
Sesuatu tindakan diukur kepada sejauh mana nilai kebaikan yang terhasil.	Semakin ramai yang menerima kesan kebaikan daripada sesuatu tindakan maka semakin baik tindakan tersebut.	- Jika sesuatu tindakan menghasilkan kesan baik lebih besar daripada kesan buruk, maka tindakan tersebut dibenarkan. - E.g. Pengemis OKU VS orang miskin.	- Sesuatu tindakan itu haruslah tidak bercanggah dengan peraturan yang sedia ada dalam sesebuah masyarakat atau negara tanpa melihat kesan baik lebih besar daripada kesan buruk. - Rasuah RM50 VS RM50 juta.

Kelemahan Teori Utilitarianisme?




The image features four incandescent light bulbs on a dark, textured surface against a black background. One bulb on the right is upright and glowing with a warm yellow light, while the other three are lying horizontally on the surface. The text 'TEORI-TEORI ETIKA MODEN' is centered in a yellow, sans-serif font.

TEORI-TEORI ETIKA MODEN

1. TEORI DEONTOLOGI

- Perkataan deontologi berasal daripada Bahasa Greek '*deontos*' yang bermaksud 'wajib'.
- Sarjana: Immanuel Kant.
- Kant telah menghuraikan etika daripada perspektif bukan agama & berasaskan kepada nilai dan justifikasi yang rasional.
- Tidak seperti utilitarianisme, teori ini tidak melihat kepada kesan sesuatu perbuatan sebaliknya menekankan lebih kepada tanggungjawab atau kewajipan yang harus dilakukan oleh seseorang individu.
- Matlamat: mewujudkan masyarakat yang menyantuni semua orang dengan penuh rasa hormat dan bermaruah.
- Untuk mencapai matlamat tersebut, Kant mencadangkan keperluan memberikan keutamaan terhadap sesuatu perkara sehingga membolehkan tindakan seseorang individu itu selaras dengan undang-undang sejagat. Contoh: menepati janji.




- Kelemahan Teori Deontologi:
 - i. Ianya tidak menyediakan satu sempadan yang jelas di manakah sesuatu prinsip kebaikan sejagat itu harus dilaksanakan.
 - ii. Agak kurang jelas dalam menentukan tindakan yang manakah dianggap sebagai bermoral atau tidak bermoral.
 - iii. Kurangnya panduan dalam menangani konflik di antara prinsip dan tanggungjawab.




2. TEORI KEADILAN



- ❑ Dipengaruhi oleh Teori Utilitarianisme & Teori Deontologi.
- ❑ Sarjana: John Rawls.
- ❑ Menurut Rawls, institusi sosial seharusnya dibangun dengan cara yang tidak meminggirkan kepentingan masyarakat hanya kerana menjaga kepentingan sekelompok individu.
- ❑ Untuk mencapai matlamat keadilan ini, beliau mencadangkan supaya seseorang individu itu membayangkan sedang berada dalam keadaan dirinya yang asal (situasi di mana suatu keadaan belum wujud atau tiada kerajaan dan individu tersebut harus memilih prinsip-prinsip asas yang seharusnya dilakukan oleh sesebuah kerajaan).


- 
- Dalam keadaan ini, individu tersebut membayangkan dirinya berada dalam 'dunia yang penuh kejahilan'.
 - Dunia yang penuh kejahilan ini menghalang manusia daripada mengetahui kelas sosial, gender, budaya, kewarnegaraan atau bakat dan kebolehan semulajadi mereka.
 - Pengetahuan yang ada pada manusia dalam keadaan sebegini ialah mereka hanya tahu terdapatnya perbezaan bagi setiap individu dalam sesebuah masyarakat.
 - Rawls percaya bahawa manusia akan memilih prinsip-prinsip asas yang selamat untuk membentuk sesebuah kerajaan iaitu prinsip yang hanya membenarkan nilai-nilai keadilan berasaskan kepada standard yang paling minimum untuk diamalkan oleh sesebuah masyarakat.


- Menurut Rawls, manusia yang rasional yang menitikberatkan prinsip asas yang paling minimum ini akan mengamalkan dua prinsip asas kepada masyarakat.:
- i. Prinsip yang membenarkan setiap orang mendapat keadilan sebanyak yang mungkin. Di peringkat amalannya, prinsip ini akan menghalang penindasan, tekanan politik dan diskriminasi.
- ii. Prinsip ketidakadilan sosial dan ekonomi hanya dibenarkan kepada tahap di mana ianya hanya menguntungkan sebilangan kecil sahaja manusia. Oleh yang demikian, jika prinsip ketidakadilan yang akan dibentuk akan menguntungkan pihak yang sudah sedia ada mendapat kelebihan dan keuntungan daripada sistem yang sedia ada, maka tindakan ini adalah tidak dibenarkan sama sekali.



3. TEORI HAK ASASI

- Sarjana: John Locke (1632 - 1704).
- Locke percaya kepada hak asasi manusia untuk hidup, memiliki kebebasan, dan harta benda.
- Idea etika hak asasi beliau ini amat mempengaruhi masyarakat barat sehingga dikatakan telah menyebabkan kebangkitan rakyat yang mempengaruhi Perang Revolusi Amerika (sepanjang abad ke-18). Menurut Locke, terdapat tiga teras hak asasi manusia:
 - i. Kehidupan (setiap manusia berhak untuk hidup),
 - ii. Kebebasan (semua manusia berhak melakukan apa sahaja selagi tidak melanggar teras pertama iaitu kehidupan).
 - iii. Harta (setiap manusia berhak memiliki harta dan kekayaan selagi tidak bertentangan dengan dua teras sebelumnya iaitu kehidupan dan kebebasan).




- 
- Locke percaya bahawa kerajaan sepatutnya menyediakan asas dan hak yang sepatutnya kepada rakyat (hak untuk hidup, kebebasan dan memiliki harta).
 - Kerajaan yang ideal ialah sebuah kerajaan yang akan memberikan ketiga-tiga hak ini kepada setiap rakyatnya.
 - Kerajaan seharusnya menyediakan hak-hak ini kepada rakyat, melindungi mereka daripada sebarang bentuk kezaliman dan penyalahgunaan kuasa di samping memberikan kuasa yang dimiliki oleh sesebuah kerajaan kepada rakyatnya.
 - Idea Locke ini bukan setakat mempengaruhi konsep demokrasi moden, malah telah membuka idea hak asasi dan kebebasan ini kepada semua.
 - Beliau faham tentang kepelbagaian dalam masyarakat dan beliau percaya perbezaan itu bukanlah alasan untuk tidak memberikan hak dan kebebasan kepada rakyat yang pelbagai ini.

Pengaruh teori Locke:

Sistem demokrasi moden

Gerakan hak asasi
manusia & hak wanita



Penyebaran idea
kesamarataan di kalangan
manusia tanpa mengira
warna kulit, bangsa,
agama, budaya & bahasa.



Teori Hak Asasi Locke ini disandarkan kepada andaian setiap individu mempunyai hak asasi yang mengatasi semua hak-hak yang lain.

- Andaian ini dianggap belum terbukti benar.
- Jika manusia tidak mempunyai hak ke atas kebebasan dan harta maka kuasa pasaran yang akan menentukan hak tersebut dan sekiranya ini terjadi maka ianya tidak dianggap sebagai hak asasi sebenar individu berkenaan.



Konflik di antara hak asasi dengan hak positif dan hak negatif.

- Hak positif ialah hak yang dikaitkan dengan tindakan orang atau kumpulan lain contohnya kerajaan menyediakan skim perlindungan insuran kepada rakyatnya sementara hak negatif pula ialah hak yang tidak dikaitkan dengan tindakan orang atau kumpulan lain contohnya ialah hak untuk seseorang itu hidup secara bersendirian dan tidak diganggu.
- Berdasarkan kepada Teori Hak Asasi Locke ini, pengkritik bertanya, mengapa harus berlaku keadaan di mana hak negatif mengatasi hak positif?

KRITIKAN TERHADAP TEORI HAK ASASI

☑ **Konflik di antara hak asasi dengan keadilan.**

- Pasaran bebas dikatakan telah mewujudkan ketidakadilan dalam masyarakat.
- Manusia bebas memiliki harta dan kekayaan, namun kebebasan yang tidak terkawal boleh mewujudkan jurang di antara yang kaya dan miskin dan secara tidak langsung menafikan prinsip keadilan contohnya dalam konteks agihan kekayaan yang tidak sama rata ini.

☑ **Kritikan keempat ialah manusia yang bersikap individualistik dan konflik mereka terhadap etika keprihatinan.**

- Locke dikatakan beranggapan manusia akan mementingkan sikap individualistik terlebih dahulu dan tidak bergantung kepada komunitinya.
- Tetapi, tanpa sikap keprihatinan terhadap manusia yang lain, seseorang individu jarang boleh bertahan apabila hidup dalam sesebuah masyarakat.

KEGUNAAN TEORI-TEORI ETIKA DALAM KEHIDUPAN MANUSIA

01

Menyelesaikan dilemma etika

- Dilema etika: keadaan di mana seseorang itu berhadapan dengan pelbagai persoalan mengenai tindakan yang boleh diambil atau sebaliknya.
- Teori-teori etika menjadi panduan & memilih serta membantu manusia dalam membuat keputusan tentang perlakuan mereka.
- Teori-teori tersebut sesuai serta boleh dipraktikkan merentasi kepelbagaian kaum, agama, budaya, kumpulan umur, masa dan keadaan.

02

Membantu dalam proses membuat sesuatu keputusan

- Teori-teori etika menjadi panduan kepada manusia untuk membuat keputusan, daripada perkara rutin sehinggalah kepada keputusan yang sukar dan amat penting.
- Teori-teori etika membantu untuk membuat keputusan yang mengambil kira semua asas pertimbangan yang sewajarnya dapat dilakukan sebelum suatu keputusan yang muktamad itu dibuat.
- manusia secara amnya tidak dianugerahkan dengan pengetahuan, kebolehan dan kemahiran yang luar biasa maka mereka memerlukan satu panduan yang khusus.

03

Mengenalpasti tanggungjawab etika

- Kepelbagaian manusia mewujudkan kepelbagaian peranan.
- Teori-teori etika adalah panduan yang jelas untuk setiap individu berperanan secara efektif dan efisien dalam melaksanakan tanggungjawab masing-masing.

PENGHAYATAN NILAI

01


Teori-teori etika adalah panduan kepada manusia untuk memilih nilai-nilai yang sewajarnya untuk diaplikasikan ke dalam aktiviti kehidupan seharian. Manusia boleh mengawal tingkah laku mereka untuk sentiasa berkelakuan secara baik dan diterima oleh masyarakat selaras dengan norma-norma yang dibentuk merentasi masa, tempat dan situasi.

02

Setiap tindakan kita adalah terikat dengan peraturan dan panduan etika yang jelas sama ada secara langsung atau tidak langsung. Teori-teori yang dibangunkan ini adalah panduan secara umum bagaimana kita seharusnya berfikir, bercakap dan bertindak dalam pelbagai aspek kehidupan sama ada dalam organisasi kerja atau semasa berada dalam masyarakat.

03

Menjadi panduan kepada manusia bagaimana mereka seharusnya berperanan secara yang sewajarnya demi menjaga kepentingan semua pihak termasuk alam sekitar dan boleh disesuaikan kepada sesuatu tempat, masa dan keadaan tanpa mengenyepikan nilai-nilai etika yang berkaitan dengannya.




04

Teori-teori etika adalah satu kekuatan dalam usaha kita mencari titik persamaan dalam kepelbagaian agar satu persetujuan bersama diperolehi dengan menjadikan teori-teori etika ini sebagai satu bentuk penyelesaian kepada perbezaan pendapat dan pandangan berasaskan kaum, budaya, agama dan kepercayaan.

05

Semua manusia adalah terikat dengan etika dan nilai yang ada dalam sesuatu tamadun, masyarakat dan organisasi. Teori-teori etika ini membantu membentuk perwatakan dan kualiti seseorang manusia sama ada kita sebagai individu atau sebagai sebuah masyarakat. Mengetahui dan memahami teori-teori etika ini menjadikan kita sebagai manusia yang berfungsi dan bertindak balas terhadap keperluan dan perubahan persekitaran. Manusia bersifat dinamik, maka mereka memerlukan satu panduan etika yang jelas dan sesuai diamalkan dalam menguruskan kehidupan yang turut bersifat dinamik.





TERIMA KASIH